

新州志卷二十六

知新州事夏津潘克溥纂修

外志

仙釋

二氏之學涉於虛無儒者每難言之然釋老竝立代
衍其傳抑天地間所不能廢也善乎朱子有言曰因
彼穉穉之有秋悟我黍稷之未熟故彙而書之非希
心於元妙也志仙釋

隋唐

新州志

卷二十六

仙釋

一

二梵西竺僧隋唐間三僧入中國一住興國東方山一
住州之三角山二梵住圓峯山屢著靈異山半有泉
土人祈雨輒驗

按舊志載於唐之末今以時代考之當移置第一條
費郎君者名光輝世畊大明山母劉氏餽夫元昇遇雷
雨晝晦欣欣若有感遂娠三年乃生郎君四歲就塾
學好從澗中浴師跡諸澗則龍也遂失所在一日歸
立簷下約父母俱往如期風雷拔屋以父母去
王全昇飛昇於天長觀中

司馬氏道信佛家宗派所稱四祖也初卓錫於州之鳳皇山繼徙破額山卽山以其法傳宏忍稱五祖後俱徙黃梅蘄有神秀者禮五祖於黃梅遂開南北之宗令珪涿州人母夢一星墜懷而生卓錫於三角山山多虎珪至虎悉遁去因號伏虎禪師後逢早年祈雨應宋仁宗高宗俱有賜號 祖師俗姓韓

張祖師唐貞觀時人旁有巨石先爲妖神魯原所據祖師至欲奪之約與俱浴原起祖師覆手巾於上原揭之再三不能起祖師卽石上坐原怒登山發三大石

蘄州志

卷二十六

仙釋

二

擊之其二左右植一幾及頂祖師掌承之遂結爲龕手巾跡猶存遂取以名葺

陳氏志稿

五代晉

羅翼不知何處人相傳飛昇於乾明磯石上踵踵若履跡然後人遂建閣於上名曰飛仙今廢又有劉六者同時人居大梓山亦飛昇去

按舊志載在第一欸以時代考之不合今移錄於此

宋

麻衣道者姓李名和生而紺髮美姿異常人終南山遇

異人授一牒曰南陽之間湍水之陽神開汝鄉汝則
往之可以翁神蒼茫後得樵者導其處居之十九年
義熙中旱居民張奭率眾請雨麻衣苦無術是夕有
丈夫十二人來謁狀貌猙獰謂第許之翌日果大雨
與唐無藥禪師遺蛻俱存石鼓院中

戒和尚居五祖山東坡同山谷見清老清語坡前身爲
五祖戒和尚卽此 考東坡事見春渚錄

明

郝悟通者麥麩李之徒先是荆永定王迎麥麩李於太

蘄州志

卷二十六

仙釋

三

和山破衲入王宮王問長生訣曰修身齊家長生訣
也送歸至漢上未及坼自舟中逸去後王幾以罪廢
國始悟李語因敬悟通萬曆中大旱王命求雨自暴
烈日中雨至坐化王以禮葬之

雪菴和尚者託堪輿往來於蘄之崇居鄉長年不爲人
卜一地謂陳氏夫婦賢爲構一門一葬其先世後不
知所終著有字字金葬書行世

考廣輿記雪菴姓葉名希賢太祖時進士因建文之
難遂隱而爲僧後入蜀

僧源潭與里中鄧茂七善一日茂七從石窟中獲一劍以示潭偶搗之飛禽望空首落潭曰此禍本也宜捐之不聽挾之以走閩正統中爲亂於沙尤古田間有司命潭招撫潭仗一劍與之飲乘茂醉起易其劍擲江中亂遂定事聞詔建宏慧寺於蘄以居之

歸宗語不虛發雖尋常談論必透宗旨萬厯間鄉官袁世振迎住宗遠葺結十齋社

靈鑑江右人兄弟凡七人俱爲劉大將軍偏裨從征六人皆卒於軍鑑獨存遂棄家爲僧天啟間募修石鼓

蘄州志

卷二十六

仙釋

四

寺

張后山不知何許人背矐上僂魁一紉常睨一妓不答乃引手向空取新衣舉止綽繚衆大笑忽問公等可少瘖乎復向空取美酒肥炙餉之後坐盜荆府物下長吏后山涕泣叩頭額盡瘡曰死矣願少與我酒酒至后山注目之叫霹靂應聲自酒中起后山并桎梏俱失所在

不知姓名翁年可八九十好緣麟山高處臥或捽之墜笑自緣起如是三捽三緣起疑其瘖也一日言天地

園耳或驚問先生言矣何謂道曰耳其目目其耳鼻其口口其鼻之謂道後失所在

德心爲僧三角山白雲菴不識字惟日拜觀音一日傾淨水處生蓮花因閉關三年遂頓悟解諸經并博通文字言晴雨輒驗後之蜀所居寺后有磐石坼裂有聲欲墜僧坐裂處誦心經石卽合

雲外歛縣汪氏子明末以諸生披剃爲僧先居匡山八九年人罕有知者後來州之南嶽寺示寂時預定時日手書法語數千言又著有宗鏡等書

新州志

卷二十六

仙釋

五

四宏安慶人白龍潭寺僧工書法風骨稜稜得顏魯公體荆府雅重之墨跡至今有存者

國朝

臥雲道人明宗室易姓李住元妙觀工詩不存彙惟雁字百首州人士誦之

丹九道人姓易名來成陝西人由麻姑洞來住元妙觀工詩常運腕臨帖預知化期著有崑崖集

佛幢居東山寺元初居三關菴二僧先後大倡宗旨時斷當寇難之後士大夫頗言因果多從之

界定鎮國寺僧田氏子州人臨濟門下麟瑞九世法嗣
性沉靜工書法託堪輿以自晦著有語錄

宗一居氏子廣濟人明末讀書白鹿洞遇異僧披剃了
悟禪宗

國初住朝西庵著有語錄傳法容海再傳悟源掌僧正教
最偉福興寺僧與陳友夏參究宗旨多所了悟寂後三
年敝龕如生僅一小指朽焉

山月三角寺僧性沉靜通古籍除游謁外終日焚香默
坐嘗曰吾山以鎮身月以居心故名州人士咸重之

蘄州志

卷二十六

仙釋

六

鳴庵東山寺僧結莖草亭吟咏其中州有雨湖七子吟
社鳴菴與焉

慧澤三角寺僧師登寶座大眾側聆師卓拄杖一下僧
曰答卽便答又卓箇甚麼師曰百雜碎

迷指三角寺僧有夙慧其胸空洞無物著有語錄法嗣
多宗之

天竺住大泉寺又住菩提寺凡九坐道場說法十二會
後寂於澗南著有語錄

雷門震和尚江西萬載縣方氏子年十八不就婚入廬

山披剌悟宗旨後住蘄之大泉寺有語錄及雜著
紹嵩居三角寺著有語錄

福庵三角寺僧著有語錄

靜惟慈慶二僧俱工詩有稟 以上俱舊志

按舊志所載釋氏以山紀者若烏牙山之行朗清楚
彥賓三角山之真鑑法遇志謙四祖山之清皎法演
端師悟通志謹仲宣曇華五祖山之山秀道初大演
表自凡十八人以寺紀者四人若龍華寺之曉愚開
元寺之子琦瞿金寺之馬祖龍潭寺之理公 皆外地

仙釋

以地紀者一若壽聖本州人此皆無可紀述姑附見
於此以俟詳攷 謹按錢志所錄盧志以上諸人皆
有紀述錢志未詳錄今仍之不復補入但三角山尙
有志操龍華寺尙有高禪師又外有廣濟禪師其名
亦遺漏并錄以附見之而馬祖則盧志所未見者未
深考

蘿庵和尚蘇州嘉定陳氏子母娠夢天竺僧入室而生
十五卽好茹齋十八祝髮爲僧自悟宗旨順治甲午
自黃梅五祖寺來居蘄之存金寺著有語錄

舒祖師蘿庵四世孫少不婚祝髮於州之紫金寺修煉
有悟後居存金寺將示寂預定日時手書詩一首坐
化數年啟龕如生

霜松石牛山朝東庵僧宣城童氏子年將四十祝髮苦
行工詩著有語錄

甬麓西河廣教寺僧能詩與邑侯顧伴榮州孝廉吳己
山往來相唱和

巨岳城西清源殿俗呼小廟僧孝感黃氏子工於詩出家後
常憶母詩多見母憶母之作著有夢幻吟陳愚谷爲

仙釋

蕘州志

卷二十六

之序以上新稿

寺觀

南北之宗皆寓於蕘其勝蹟猶有存者緇流黃冠之
所溺而處也故祠祀之外寺觀亦在所不畧抑古聖
王以神道設教之意歟志寺觀

正覺寺在州治南唐四祖道信卓錫於此通志明洪武

年僧正司明鐸重建俗稱鳳山寺亦曰四祖寺有轉
輪藏閣鐘鼓樓爲殿左右翼有僧寮榜曰七葉白茅堂集

國初李廷楷等募修方丈道光己丑僧明修募重修

東山寺卽五祖寺在雨湖岸唐五祖宏忍卓錫於此見舊志自明洪武嘉靖

國朝順治雍正乾隆凡五次修葺道光年間監生李蔭福重修觀音堂地藏殿并於雨湖之畔建亭榭以爲游容憩息之所

新稿

二郎廟祀秦李冰第二子蘄州衛官軍戍平溪代清浪征諸蠻效過灌口甚獲神佑故特祀之州境廟有四州城二漕河二

舊志

按考東京夢華錄六月二十四日二郎生日漕河每

蘄州志

卷二十六

寺觀

九

年六月二十六日賽神出會炫耀異常鼓樂喧闐又爲嬰兒高臺故事遠近皆來觀劇所費不可貲計乾隆年間知州錢檢亭禁其事今仍復如故

志畧

雲臺仙院在州治內三眼井前

鐵佛寺在北門內佛像皆鐵三鐵鎮蘄陽此其一也明

洪武元年比邱永明朔嘉靖十九年荆府重修

元妙觀祀老子舊在麒麟山宋祥符間道士李可道朔

明洪武間道士王德榮遷建於東門外天順四年荆

靖王重修正德嘉靖荆府復修宋誠王儼爲之

記詳藝文

國朝雍正李元序妻陳氏捐田為香火費 以上舊志

東嶽廟有七一在州城東門外明洪武間黃均建永樂間陳士冠重建鄉官孫天衢及老會捐置各田

國朝道光二十五年稅書葉重建一在閩家冲洪武初閩

岳建一在永福鄉雲臺山壽官熊維賢維岳建嘉慶

四年熊有塗等捐修道光二十二年監生熊啟第等

重建一在大同鄉高砂里十三戶約所一在青山鄉

興隆山吳鳳闕鳳棲等建道光年間僧募化重修 舊志

一在永福鄉螺螄港一在安平鄉撼棗吸宏治中高

蘄州志 卷二十六 寺觀 十

鵬建萬厯間鵬裔孫楚學捐募增修 新增

寶月庵在東門外教場口

宗遠菴在東門外明萬厯間鄉官袁世振為僧歸宗建

記詳藝文

奎星樓 在泮池左 國朝江防道徐惺建知州錢鋈重修道光初年知州顧澍重新

如是庵在東門外明天啟間僧海瑞建

三官廟在東門外

鉢蓮菴在雨湖中明天啟間鄉官楊芬建 詩詳藝文

道光二十九年水圯

石鼓寺在西門外濱江羊子壕宋咸平舊志中建明天

順初荆府承奉阮古修天啟三年鄉官李瓊岳鎮華

等重修兵燹後復就圯僧寂惠募修陳氏志稿記詳藝文

禹王閣在城西南隅乾明磯右舊志遺

乾明寺卽觀音閣明永樂中比丘知安遷建正統間福

慶重修嘉靖五年荆府新之詩詳藝文

龍磯寺在江心卽入蜀記所紀龍眼磯江中卷耳石磯

旁山上有龍祠者是也詩序詳藝文龍王號詳鬼神

四官殿在北門外

蕪州志 卷二十六 寺觀 十一

法勝寺在蓮花池北岸明洪武僧法崇荆建天順二年

荆靖王表請爲祝聖道場得賜今額嘉靖十七年重

修詩詳藝文

五顯廟在第一關詳鬼神內

八蜡廟在第一關舊志遺詳鬼神內

昭化寺在城北明荆府建成化八年僧智明重修詩詳藝文

萬壽宮在羊子壕江之涯順治十五年豫章客建生員

盧灝施基道光二十九年水圯

百神廟在小西門外乾隆十二年僧廣照重修道光二

十九年水圯

白馬將軍廟在西門城內舊志因舊宇太狹道光二十

八年監生李蔭福捐基拓建新稿白馬將軍姓胡名

成宋進士為崇居胡海始祖

國初土寇為亂將軍保獲之功甚多策山亦有廟祀志畧

魯王廟在小西門內

高山廟在北門外

三閣庵在南門外今廢

祇園庵在泮池左今廢

蘄州志

卷二十六

寺觀

三

慈雲庵在迎山鄉官饒京建盧絃修

大同青山俱有此庵

武當行宮在州治右荆府建今廢

三閭祠其址舊有五一在遞運所一在鴻宿洲一在羊

子壕一在挂口一在王廠今俱廢

新嗣宮在四祖寺左荆府建以上舊志

三聖宮在州治前向專祀武聖道光十一年因武當宮

火星廟祇園庵俱毀移三廟神像供奉於此遂改武

聖宮為三聖宮新稿

極樂庵在迎山

三元宮在都司署前 舊志遺

慧照庵在鳳凰山下

七聖廟在城守署右

霞蔚庵在南門內

宛中庵一名城隍墩在一關外

天王廟在熊化嶺附近有準提即第一社

火星廟在南門內今廢附見前三聖宮內

芭茅山廟祀總管星吉 詳鬼神內 在鳳山門

寺觀

蘄州志

卷二十六

十三

龍峯寺在州北桂口

大泉庵在州東大泉山鄉官李本衍建

華頂庵在州東大泉山陳士詹建 俱舊志

馬王廟今改名太平寺在都司署左道光二十八年營

兵重建 新稿

以上城廂

仙塔寺在渴口

威靈都廟在渴口下市 新增

慈雲閣在渴口下 舊志

靖明寺在靖明山

今呼太平岩

唐建明宏治中重建見鐘文

白茅堂集詩詳藝文

按靖明寺一名積善寺鐘皆銅鑄成聲音洪亮可遠遠數十里寺內重器也

廣教寺在白雲山下明洪武間僧守住修正統間僧明

鐸重建

舊志

順治初天章禪師重建

白茅堂集

菩提寺在州治東三十里菩提壩明正統六年僧智英重修

通志詩詳藝文

開通寺在州治東北六十里高山舖左紫玉山

全上詩詳藝文

蘄州志

卷二十六

寺觀

古

萬善禪林在州治東三十里黃土埠黃氏香火

前定庵在州治東三十里曹英戶香火

下河廟在州治東二十五里明庠生張文幟及弟貢生

文同建捐有香火田

以上新增

南泉寺在州東十里

舊志

麻背廟在安二關沙河

新林寺在治東四十五里

萬應庵在展旗砦

古泉庵在治東七十五里嘉靖間僧先枝重修

顯靈廟在治東七十里康熙癸巳間建廟前古栢二株
甚蒼秀

城隍廟在羅州城內

楊泗廟在漕河下市乾隆間沔陽人募建 楊泗水神

舟人所祀出處未詳

三官殿卽翠雲庵在渴口中市陳國棟捐建眾姓共置

香火田

萬壽庵在治北四十里

朝陽庵在治北四十里

蘄州志

卷二十六

寺觀

志

楊公禪廟在治北二十里

代明宮在治北五十里

萬善庵在大旺山麓

地藏寺在治東十里黃氏香火 以上新增

沙徑寺在治北十五里明景泰間僧明珍修

靈泉寺在治東八十里明景泰僧智寶修

福勝庵在治東四十里盧時俊施基并香火田

國初僧圓理圓明募建 詩詳藝文

寧泉寺在三渡橋王氏香火

廣福寺在安平鄉

雲蔭雲覆二庵在治東二十里黃氏香火

華嚴庵在治東大徑橋一名顧家庵顧氏香火

以上舊志

以上安平鄉

圓峯寺在圓峯山西蜀僧二梵卓錫於此旁有亭土人

王氏所建卽祖師真身所藏處

志畧

長流寺在治西四十五里

漁田寺在永福西湖尾有賈島詩刻今佚

金山寺在馬驊山久廢

蘄州志

卷二十六

寺觀

六

龍窟寺在高家衝有龍窟井

靈虬寺在治北七十里明正統間僧福興重修

顧黃公有山僧說靈茶詩自註云產寶掌道場相傳

仙媪指出

志畧

鎮國寺在策山生員張錫爵建

城山寺在城山巔

永福寺在治西雲峯山明洪武間建

茶庵在彭思橋

歷化寺在歷化均

策山寺在西瓜尖

衍慶庵在玉屏山生員張錫爵妻楊氏建

三祈庵朝陽觀龍井庵俱在永福以上舊志

福勝寺在五藥山之側有井歲旱不涸

斗姥宮在彭思橋下

青龍庵在永福二圖去廟里許即雷月井

靈官廟上晏公廟下晏公廟濟渡庵俱在散花洲

宏化寺在治西北五十里宋建張氏香火

茅山大王廟在治西北六十里唐時建

蕪州志

卷二十六

寺觀

七

國朝道光間募修

太子廟在張雷冲頂以上新稿

以上永福鄉

科亭寺在青山何萬章口相傳唐時建里因以寺得名

里中二十戶公所也寺側有首烏成人形數百年物

也陳虞部有句云古木寒泉聯夜雨寺名鐘款紀前

朝編戶錄

松山寺在治北一百二十里松山衝頂碧雲峯明永樂

間龍虎禪師卓錫於此旁有古松一株蒼古如畫

三洞龍王廟在三角山宋慶厯間祈雨有應封侯紹興
間進封王

龍門資教寺在三角山後梁僧慈應勸宋仁宗賜額龍
門高宗加贈資教元至正間比丘德明有碑記明洪
武元年僧正果重修

按唐伏虎禪師卓錫於此見仙釋志因祈雨輒應宋
仁宗高宗俱有賜號

古佛寺在州北百二十里僧智誠建涂元施有祀田
福興寺在陳家壩明荆王建

蘄州志

卷二十六

寺觀

六

達城廟在達城河祀二令相公相傳爲洞庭神

白塔寺在治北八十里

桃園庵在治北九十里李勝高勝祖建并施田課一百
擔

萬壽庵在分路街蔡家冲駱恭先妻陳氏施並捐香火
田

大慈庵陳華重建施有香火田

蘇木堂僧漢月建今更名威濟庵陳氏香火

大琳宮在黃城河口

高店廟在廠脚樓

仁壽庵胡以蔡建

東山庵胡學晟建

廣福庵在陳家壩上

龍崖寺僧止水建今廢

龍會寺在青山

遠塵庵僧自成建後傾圮道光間職員陳國治捐建上

舊志

關溪寺在關溪河李氏香火有齋田

蕪州志

卷二十六

寺觀

九

天臺寺在治北八十五里

慧連庵在治北九十里

洞下庵在治北百二十里康熙間何元賜捐建

龍泉庵在治北八十五里

智慧庵在火燄冲駱氏香火

文昌宮在分路街監生駱炳生員武繩其募建為里中

士子結文社處旁有字藏

太平庵在治北八十里

菊蘭庵在治北八十里

陳家庵在治北八十里

契如庵在治北九十里生員駱仁止建并捐田課七十

七擔六斗孫杼慧募燈田課二十七擔

隨靜庵俗呼駱家庵駱仁止建

錫麟庵俗呼李家庵在火燄冲口

國初李氏建有香火田道光六年駱兩階捐募重修增置

田課

廣惠寺在分路街何榮八建

靈鷲寺在郝家壩胡心鑑兄弟建

新州志

卷二十六

寺觀

三

文殊庵在獅子口市明時建嘉慶丁巳市人重修今改

為武聖宮陳愚谷有記詳藝文

大王廟一在野雞窠一在分路街祀牛馬大王最靈顯

興福庵在治北一百里俗呼麀鹿坪明學官貢其志建

白衣庵在治北九十里生員駱洪建

紫雲庵在黃茅尖下王氏香火

三泉庵在三角山北左有石屹立明州人陳仲悌鑄清

風高舉四大字又有龍洞寺在三角大巔之下祀

三洞龍王詳鬼神內因傾圮道光間職員陳國治募化重修

一空庵僧一空建

黃金廟在胡敬冲祀三司總管

南陽寺在青山均土地坪廟在董家冲頂祀梓潼以上新稿

以上青山鄉

大長觀在劉公河上晉永熙間王全真人朔明洪武間

道士蔡會祥正德間道士盛從改建

金鷲寺在治東北百二十里通志謂嘗有金鷲出石間

其上有籠鷲石

手巾庵在張德斌冲張氏香火

蕪州志

卷二十六

寺觀

三

旁有石洞張巾祖師真身在焉志畧

高溪寺在高溪畷樂紹興間僧白崖建詩詳藝文

大竺寺在治北百三十里明洪武十三年僧印信修

士子庵原名賜子庵生員胡宣典等改建今名為士子

肄業處

羅漢廟在羅漢尖下曹姓香火宇外有古松二株蓋數

百年物附近有白雲庵談姓香火

六度庵在州北百四十里監生吳璘改建所捐賑族義

倉在內 今廢

石觀音寺在崇居

寶林寺在治北百五十里唐貞觀時建明洪武二年僧

無塵重建

以上舊志

明善寺在治北百三十五里明吳管財管珍建

風嶺寺在治北百四十里太平山吳友朋建

蓮花庵在治東北百里下有市集

樂如庵在青石嶺後陳時疏建捐有香火田

白雲觀在北極尖下陳仲建施有齊田

雲蓋寺在橫岡山上有祖爺殿蘄廣二處共祀

蘄州志

卷二十六

寺觀

三

隱靜庵在治東北百四十里明萬曆中王氏建

雲峯庵在治東北百五十里

國初張氏建

白石庵在治東北百五十里明宣德中陳氏建附近有

瑞龍庵

總管廟在聶家壩

河東悟真庵黃泥堂俱陳氏建

雲林宮在胡家涼亭祀張七相公卽麻城所稱蓋天帝

主是也

太尉廟在治東北百六十里王裕冲以上新稿

田太尉相傳即唐雷萬春也以雷為田正與程史所載成都優伶謬稱田萬春至於袒裼奮拳遽曰有兩頭也得以諷主司者相似然彼以為戲言而此以為實事何也辨論雷田事見程史第十卷編戶錄

以上崇居鄉

康仙寶殿在康宗堡一作師今改為康國公祠編戶錄

康茂才從明太祖有大功封為蘄國公今居康家冲者皆其苗裔也志畧

蘄州志

卷二十六

寺觀

三

槎真寺在康宗堡上冲土人呼槎為遮呼真為禁以鐘驗之知為音近之訛而實則名雜正也一名秀峯寺

編戶錄

宏慧寺舊名清溪在大同巡檢司署側宋僧紹慶創建

明初僧道真修宏治間奉勅改建詳仙釋志內源潭傳寺內有明中丞

石崑玉碑

元善寺在治北百八十里燕子崖下明末邑人胡士鼎避賊於此及賊至縱火焚之鼎夢有人掣置深潭中乃抱木而浮遂即其地建寺

紫金寺在治北百八十五里四祖寺僧如霽修

紫金寺長峪里七戶約所有鐵碑編戶錄

成真寺一名瞿金唐貞觀間章金馬祖師建後改爲存

金在治北百六十里嘉慶間僧博也重修

按舊志瞿金存金作二寺一如青山寺內龍門資教

三角資教分爲二寺同一重載

溪山觀在治北百四十里宋元豐間道士桂道錄初明

洪武間道士江秋修

山有樸樹五株今合爲一蓋前代物也

蘄州志

卷二十六

寺觀

三

天真觀在州北百九十里元至正間道士詹道元初明

洪武間道士王嗣斌重建

觀左有太源山東嶽廟高砂里十三戶公所也編戶錄

迴龍寺在葛場山田祿戶建施有香火田

普照庵在葉家山

盤石寺在治東北百八十里唐貞觀間僧合一建

三峯庵在治北二百里僧智誠建

朝西庵在大同僧宗一開禪於此雲隱寺亦在此

烈士廟在大同司祀田金浦以上舊志

仙人臺仙人劉五劉六修真處山塢有寺正德間州人
郝守正讀書寺中手植二杉今無有

天池庵在治北百四十里前明宋氏建附近雲天庵亦
宋氏建

桃源庵在治北百四十里

西崖寺在治北百三十里

萬壽庵有二一爲韓甲元建一爲張必相建

鎮定庵鹿苑庵南屏廟衍慶庵明時建孫氏香火

觀音庵明時建文氏香火

蘄州志

卷二十六

寺觀

五

龍興寺康熙間建

鐵佛庵吳氏建土人得鐵佛二尊明萬曆時建故名

城隍廟在大同司署程碩卿建

普陀庵在仙人臺下

紫荊寺在治北百四十五里舒祖師修煉處

白蓮寺在將軍山下以上新稿

以上大同鄉

鬼神

古聖王以神道設教論語中庸每每言之則是鬼神

者造化之功用也楚俗尚鬼而蘄尤甚盧志謂爲蘄一方專祀錢志因之今亦仍其目志鬼神

城隍自清泰以來歷代皆有封號

志畧

明初封京都城隍爲承天鑿國司民統神昇福大帝各府爲鑿察司民威靈公各州爲鑿察司民靈祐侯各縣爲鑿察司民靈祐伯

明集禮

謹按春明夢餘錄洪武二年始正稱號各府州縣城隍之神據此則州當稱靈祐侯舊志稱威靈公不免沿誤蘄俗先每歲六月六日謂城隍誕辰祭賽必備

蘄州志

卷二十六

鬼神

三

今改爲八月中旬

文昌宮有六星第一日上將第二日次將第三日貴相第四日司命第五日司中第六日司祿

陷河神者蘄縣有張翁夫婦老而無子翁日往溪谷採薪以自給一日於岩竇間及傷其指血旁注滴石穴中以木葉窒之而歸他日復至其所抽木葉視之乃化爲一小蛇翁取於掌中戲玩移時此物似有所戀因截竹貯而懷之至家則啖以雞肉如是甚馴擾經時漸長一年後夜盜雞犬而食二年後盜羊豕鄰

家頗怪失其所畜翁媪不言後縣令失一蜀馬尋其跡入翁之居迫而訪之已吞在蛇腹矣令驚異因責翁毒物翁伏罪欲殺之一夕雷電大震一縣并陷爲巨湫渺瀰無際惟張翁夫婦獨存其後人蛇俱失因改爲陷河縣曰蛇爲惡子爾後姚萇游蜀至梓潼嶺上憩路旁有布衣來謂萇曰君宜早還秦秦人將無主康濟者其在君乎請其氏曰吾張惡子也他日勿相忘萇還後果稱帝於長安因命使至蜀求之弗獲遂立廟於所見之處今張相公廟是也唐僖宗幸蜀

新州志

卷二十六

鬼神

七

其神自廟出十餘里側伏迎道左白霧之中髣髴見其形像解佩劍賜之祝令效順期賊平駕迴廣贈珍玩人莫敢窺

王氏見聞錄

梓潼帝君者記云神姓張名亞子居梓潼七曲山仕晉戰沒人爲立廟唐元宗僖宗宋咸平中屢封至英顯王道家謂帝命梓潼掌文昌府事及人間祿籍故元世加爲帝君而天下學校多有祠祀之者明景泰中因京師舊廟闕而新之歲以二月三日生辰遣官致祭夫梓潼顯靈於蜀廟食其地爲文昌六星與之

無涉宜勅罷免其在天下學校者俱令折毀

明史

蜀山七曲神所宅之國元命實始吳會是以江湖以南神跡多著近世貴進士科士子以得失爲病自此始有司桂籍之說化書所謂九十四化變遷推移涉於不可測知

文文山集

魁星今人所奉魁星不知始自何年以奎爲文章之府故立廟祀之乃不能像奎而改奎爲魁又不能像魁而取之字形爲魁舉足而起其斗不知奎爲北方元武七宿之一魁爲北斗第一星所主不同而二字之

蕪州志

卷二十六

鬼神

三

音亦異今以文而祀乃不於奎而於魁宜乎今之應試而獲中者皆不識字之人歟

日知錄

二郎神有方士言蜀道永康軍城外崇德祠乃祠李太守父子也大守名冰秦時人嘗守其地有龍爲孽太守捕之且鑿崖中斷分江水一派入永康鎮孽龍於離堆之下有功於蜀人至今德之祠祭甚盛江鄉人亦祠之號曰灌口二郎

獨醒雜志

蜀中灌口二郎廟是李冰因開離堆立廟今來現許冬靈怪乃是他第二兒子出來初間封爲王後來徽

宗好道遂改封爲眞君張魏公用兵禱於其廟夜夢神語曰我向來封爲王有血食之奉故威福得行今號爲眞君雖尊人以素食祭我無血食之奉故無威福之靈今須封我爲王當有威靈魏公遂乞復其封

朱子

語類

元至順元年加封秦蜀郡李冰爲聖德廣裕英惠王其子二郎爲英烈昭惠靈顯仁祐王

元史文宗紀

國朝雍正五年封蜀郡太守李冰爲敷澤興濟通祐王其子二郎爲承績廣惠顯英王廟祀灌縣

大清會典

蘄州志

卷二十六

鬼神

五

謹按舊志云舊稱導江縣高濟王次子秦李兆而今之所祀者又以爲赤城王考柳宗元龍城錄趙昱隋煬帝時爲蜀郡嘉州太宗犍爲潭中有老蛟爲害昱入水斬之害遂息州人德之沒後祀爲神明唐太宗時封爲大將軍廟食灌口上皇幸蜀加封赤城王據此則二郎與赤城王爲兩人故辨正之廟祀詳城廂寺觀內

五顯五顯者水火木金土之精周於四郊祠五帝漢祠五時李唐五神降稱爲五聖始翔廟立像又稱爲五

顯然廟號止名五通宋大觀中賜廟額曰靈順宣和
間封侯淳熙初封公嘉泰二年封王至理宗又改封
一曰顯聰昭應孚仁廣濟王二曰顯明昭烈孚義廣
祐王三曰顯正昭順孚智廣惠王四曰顯直昭佑孚
信廣澤王五曰顯德昭利孚禮廣成王自宋以後祠
宇徧天下或稱爲五聖或稱爲五顯或稱爲五通廟
貌服色則有青黃赤白黑之分隨五方之色也

周詔修拓

五顯靈
廟碑

八蜡禮經郊特牲伊耆氏始爲八蜡蜡也者索也歲十

二月索萬物而合饗之也曰索饗者因先嗇而及司
嗇因農而及郵表畷以致坊與水庸之爲田利猶虎
之能除害者皆報焉則有關於嗇事者求索殆盡矣

禮記
析疑

周將軍關聖祠中皆塑周將軍其名則不見於史傳考

元魯貞漢壽亭侯廟碑已有乘赤兔兮從周倉語其
來已久其靈亦最著

灤陽消夏錄

總管芭茅山總管星吉元人也今國語解譯作桑嘉依
爲江西行省平章政事詔令守江州時江州已陷星

吉克江州畱兵守之而自據鄱陽口日久乏糧士卒咸困賊發矢射星吉昏仆凡七日遂絕元史星吉傳

黑神唐南霽雲以保障江淮死祀為水神舊志以為三閭大夫子非也

按陳虞部附說云競渡之事起於弔屈原此一說也黑神則唐之南霽雲以保障江淮死祀為水神此一說也總管之官元世亦有之以為星吉亦無不可但星吉之死在李黼殉節之後舊志云李黼葬之鳳凰山非也且附總管於黑神之下其為牽合傳會不

蕪州志

卷二十六

鬼神

三

足為據可知志畧

舊志又載蕭公晏公黑神皆謂之江神按明統志蕭公名伯軒江西新淦人死為神宋咸淳間邑人立廟祀之晏公清江人廟在臨江府東北三十里亦邑人所祀皆江西禦災捍患之神與蕪地無涉全上

順濟龍王宋熙寧中王師南征有龍伏江中有司以聞詔封王大觀中封靈順英昭安濟王蕪廟祀在龍磯詳城廂寺觀內

三洞龍王在三角山相傳有龍潛洞中宋慶曆間祈雨

有應詔封上洞靈祐侯東洞靈應侯一洞無攷紹興中祈雨又應俱進封王

按三角山水口有東龍巖西龍巖二洞意在此

高山郡王靖明大王莫詳緣起廟祀在城北詳城廂寺觀內

三公土主者一提刑按察司何公一安撫使吳公一安撫使張公皆有惠澤於蘄廟祀在城內

白馬神廟祀在州城大街中石碑現存相傳有大賈乘白馬過蘄爲人劫殺遂爲神故蘄有白馬渡云

張王唐張睢陽像旁塑許遠雷萬春以從祀楊州志謂

蘄州志

卷二十六

鬼神

三

爲張士誠父非也蘄俗於五月中旬迎其神導衛甚盛鄉村各爲社或相值爭道以毆謂之撞張王又作紙船揚旂旛於其上送之江謂之送瘟豈沿公死爲厲鬼一語而誤歟

張七相公明統志宋時麻城縣人毀沿江諸廟繫獄適有火災釋行七捍之立止至城北五腦山人馬俱化邑人爲建廟今里俗傳會遂有蓋天帝主之號不知其何自也湖北金石存佚考

按舊志七郎神以張七事附之恐不確州有廟在崇

居

三司總管不知何許人所禱輒應廟祀在青山

二令相公相傳爲洞庭神亦楊四張七之類廟祀在青

山

儼神古稱高陽氏第三子沒而爲儼斬所祀非此其神
有四中一黃衣冠如帝者曰唐明皇三少年花衣帽
從曰太尉按按神記天寶時田氏兄弟三人尙游俠
醉臥天津橋明皇微行見之戲命墨粉塗其面相視
大笑遂死見夢於帝曰臣兄弟蒙賜粉墨魂不知所

蘄州志

卷二十六

鬼神

三

歸乞臣何職帝曰命汝爲儼神每春陽巡行花柳可
乎因令郡邑塑三人像賜號太尉自是帝屢夢挾二
人游蘄事儼七十有二家每孟春昇神遍歷其家至
則男女羅拜鉦鼓喧闐旌旆雜沓神降送以歌歌聲
烏烏畢則內神於廟廟祀向在郎家畝今廢以上舊志
田太尉亦儼神之類緣起詳崇居寺觀內新稿

撫聞

狂夫之言聖人擇焉其傳聞於父老者不必盡非也
茲於舊志軼事外畧復綴拾一二以與其地掌故相

發明虞初九百雖多無取焉志撫聞

郎中李播典蘄州日有李生者稱舉子來謁會播有疾
病子弟見之覽所投詩卷咸播之詩也既退呈於播
驚曰此皆應舉時所行卷也唯易其名矣明日遣其
子邀李坐從容詰之曰奉大人咨問此卷莫非秀才
自製乎李生聞語色變曰是某平生苦心所著非謬
也子又曰此是大人文戰時卷也兼賤翰未更請秀
才勿妄言遽曰某向來誠爲誑耳二十年前實於京
輦書肆中以百錢贖得者不知是賢尊郎中佳製下

情不勝恐悚子復聞於播笑曰是無能之輩耳亦何
怪乎饑窮若是實可哀也遂沾以生餼令子延食於
書齋數日後辭他適遺之縑繒是日播方引見李生
拜謝前事畢又云某執郎中盛卷游於江淮間已二
十載矣今欲希見惠可乎所貴光揚旅寓曰此乃某
昔歲未成時所懷之者今日老爲郡牧無用處便奉
獻可矣亦無愧色旋置袖中播又曰秀才今擬何之
生曰將往江陵謁表丈盧尚書耳播曰賢表丈任何
官曰現爲荆南節度使播曰名何也對曰名宏宣播

拍手大笑曰秀才又錯也荆門盧尚書是某親表丈
生慚慚失次乃復進曰誠若郎中之言則並荆南表
丈一時曲取於是再拜而出播嘆曰世上有如此人
哉蘄州遂話爲笑柄

太平廣記

慎氏毗陵慶亭之女也三史嚴灌夫因游彼結姍好載
歸蘄春經十餘秋無允嗣灌夫乃拾其過而出之合
歸二浙慎氏慨然登舟親戚臨流相送乃爲詩以語
灌夫覽詩畢悽感遂爲夫婦如初其詩曰當時心事
已相關雨散雲飛一餉間便是孤帆從此去不堪重

蘄州志

卷二十六

撫聞

三

過望夫山

雲溪友議

江淮有何亞秦彎弓三百斤常解鬥牛脫其一角又過
蘄州遇一人長六尺髯甚口呼亞秦負我過橋亞秦
知其非人因爲背覺腦冷如冰卽投至交牛柱乃擊
之化爲杉人瀝血升餘

酉陽雜俎

諸祐蘄州獨木人自言不如葦者數世能使貧者富富
者貧里民稍稍效之其徒十數男女孫雜互易匹耦
謂之忍辱生子不知其父行之數年積數百眾夜行
晝息取資於盜競相推唱云祐術能升虛空入水火

妄意民藏潛使致之而民弗覺也先陳起僑斬春惡其妖昇元中起第進士授黃梅令到官之日里酋畢賀祐獨不至數日起命籍祐爲里長不服祐媢言曰吾取令頭殺豎子爾起聞大怒會周隣爲巡撫使師次黃梅起藉其兵以執祐等並其婦人幼稚皆縛沃以豕血祐迄不能神因索其家得輿服器用皆埒至貴郡將斬祐等曰婦人何能爲幼稚宜無預意且貫之起曰此皆濱亂人倫去無遺類遂並斬之起由是知名遷監察御史卒

馬氏南唐書

陳曙蜀人舉進士唐末避地淮南多遷於蘄州山中鄉人有會集或祭神曙不待召而至醉飽乃辭去由是人多設虛坐陳酒殺以俟之同日或至數家舍中惟一榻素書數卷與蛇虎雜居不設牕戶雨雪滿室亦自若人有乘其出往窺之者曙必自外來凡數十年顏鬢不少異允宗命中書舍人高越召之不肯起後徙居鄂渚及洪之西山不知所終

陸氏南唐書

蘄州有鬼鳥宋王禹偁自黃徙蘄聞此鳥詢其名或答曰此名蘄州鬼禹偁大惡之未幾果卒蘇子瞻作禽

言詩曰使君向蘄州更唱蘄州鬼我不識使君寧知使君死人生作鬼會不免使君已老知何晚今按蘄原無此鳥或謂卽梟鳥俗名扛喪聞其聲卽惡爲不祥然此鳥處處有之春夏間卵哺時多夜鳴何指爲蘄有也

一統志

傅七郎者蘄春人其第二子傅九年二十九好狎游常爲娼家營辦生業遂與散樂林小姐綢繆約竊負逃林母防其女嚴緊志不能遂淳熙十六年九月因夜宿用幔帶兩條接連共縊於室內明日母告官驗實

蘄州志

卷二十六

撫聞

七

收葬紹熙三年春吉州蘇客逢兩人於秦州酒肆爲主家當鑪供役蘇嘗識傅問其去鄉之因笑而不答蘇買酒飲散明日往尋之主人言傅九郎夫婦在此相伴兩載昨晚一客來似說其宿過羞愧不食封夜同竄去今不可復詢所在也

夷堅志

宋理宗景定二年安撫使王益避亂率民保鴻宿洲築城於今治麟山之陽掘地得墓碣云本是千年地暫借五百年感謝王刺史移我過西川按王益爲知州稱安撫誤舊傳爲郭景純所畱自晉迄宋未不止五

羣文傳荆藩建邸時所獲皆誤 一統志

靳春縣大同鄉人黃元功富室也佃僕張甲受田七十
里外查梨山下紹熙初無疾而死體未全冷妻已治
棺三日不忍斂但泣守其側忽起坐言曰我承得文
引差遣黃解元可速具食命置草鞋一雙妻不敢問
自辨之張不下席而飲自空鞋失所在復瞋目明日
又寤一切如前及寤雙屨皆破云方始追得今次與
汝相別從此長往不復甦黃解元者即元功也 夷堅志

禮部林郎申言兵部許侍郎昔為翰林學士忽夢著綠

新州志 卷二十六 撫聞 三

心甚惡之未幾奪職以起居舍人知新州然未見著
綠之應官制既行改朝散郎本階正合衣綠方悟前
夢之可信也 文昌新錄

新州境有三洞一曰龍洞在三角山下神龍居之禱雨
皆應而光景變化未嘗表露二曰龜洞在廣教山下
龜生其中品類不一而綠毛者尤多三曰蛇洞在新
口鎮側 即今龍峯山 蓋白花所聚今不復有矣土人捕采
乃出羅田山谷中施小路溫舒自信陽解印造朝舟
抵新口詣近處龍峰寺游觀距蛇洞不遠詢於寺僧

皆言徒有其名耳因信步到方丈後躡石級百層得一
堂方疊足坐憩旁人驚曰一巨蛇蟠屈於下相與
持挺擊逐施下榻蛇逕入山見者無不汗駭此蛇之
毒甚於蝮或爲所傷卽急剗其肉少緩則徧體盡生
白紋方花如其形不踰時卽死到闕除斬春守蓋且
將爲地主故山川之靈陰相之特令此物出異以示
衆吁其危哉言之令人毛豎

洪邁夷堅志

白承節樂平人淳熙初監斬口鎮市客金生抱販米帛
每出入鎮宅甚熟一日量籌畢束縛物貨頓几上閒

譚市井商事問答頗久出酒炙飲食之所坐靜僻白
竊取其邵陽隔織兩匹藏篋中胡妹壻自外至適見
之謂與爲戲耳客酒罷徑肩所齎行次日黠閱不見
亦但疑宅人故相惱不深介意至暮乃以爲請乞爲
詢究白怒曰我固卑正是本鎮官如何擅誣作賊客
翻遞謝投泪去後子天逝其母石氏痛之極空篋中
以爲歛兩匹在焉胡妹壻來弔見之極嘆惜

通志

新州民費翁家素頗裕生二子長曰小二次曰小三長
者事親極孝逐日辛苦經營纖微收拾悉以供父母

季殊不然方七歲見父如仇未嘗見面話語至慶元元年十有九歲矣其年三月盜錢用數十千賭博又詣市買刀宣言悖逆或報其父父遂避於接子山寺中相去五里有趙氏庵老僧宗顯忽遣侍史邀相見逆子踵至使闖入別室然後謂翁曰是皆宿世因緣當爲汝解之翁拜謝宗顯旋呼季使來座下卽懽然作禮願充弟子之列顯命翁還家頃售所蓄得錢四百千顯爲辨餘直置祠部牒至九月度季爲僧立名法淨才踰月顯坐化去

通志

康茂才以元進士授南康太守歸命明太祖康郎山之戰厥爲首庸太祖既定天下論功錫爵爰封蘄國公子鐸錫爵蘄春侯靖建文之難時鐸守後宰門勒兵拒命死遂失封世宗起藩邸入纘大統念康公爲楚人功大殄祀甚憫悼勅湖撫下郡邑求康氏子孫時康姓居青山鄉聞命驚錯以爲靖難禍復作恐陷族誅有司求急康氏議一椎魯之人稱爲嫡派赴京陛見上不樂止襲畱京錦衣千戶又別支有流寓燕者號明元光宗爲太子時明元以黃冠奉祀太清宮香

火太子素習勤苦常諮訪民間事明元乘間陳先世失封狀太子允復其封尋一月崩遂未議及蘄庠生康再奇字鳴來蘄國嫡裔其始封券及宋濂所撰制誥萬厯間州守徐徵驗其券復其丁徭二十戶以示優恤 四照堂集

刑部尚書馮天馭張夫人無子鍾愛其女十歲時尙烏帽錦袍揖見縉紳大老於邸第大學士嚴嵩見之欲爲媼姪奉酒上壽公佯醉嚴大慙嗾給事中侯某劾尙書致仕 顧氏家傳

志

卷二十六

撫聞

望

隆慶辛未夏秋大水蘄黃濱江之地鼯鼠徧野皆鯽魚所化蘆稼諸根齧食殆盡 正字通

萬厯己未間士人於江中之散花洲得小鐘一口擊之無聲以獻之兵憲王公迴溪亦不能識時太宗伯李公本宐過蘄王公質之李公曰此三國時周公瑾破曹兵軍中會食之鐘也共十有二以重物擊之無聲以蘆葦輕擊之其聲始發驗之果然 盧志

御史王珙字大美號荆石蘄州人官蘇松直指初苦無子以祈嗣請於先師三昧老人老人適開創黃梅四

祖寺因令創醫祖殿於正位必保得子公篤信頓發
肯心乃獨力創建備極壯麗甲於楚中殿成公旋得
子又闖賊將破斬忽一老僧跌坐公門七日公出見
問何所募僧曰不募別事止化居士一門剃髮出家
公曰吾忝在宦家如何一門能剃削乎老僧曰稍遲
大禍立至矣言訖忽不見公憬然大悟曰此必四祖
現身說法也乃聚青黑衣帳幃幔盡製爲僧帽將百
頂一家老幼皆剃髮忽報城陷遁入城北隅四祖寺
全家獲免

說鈴

志

卷二十六

撫聞

望

沈士望州諸生崇禎末上書召見授兵部參議輔臣厭
之移送江督袁繼咸幕

白茅堂集

州人王居士年四十不娶若狂易鄉人共笑罵蘄陷自
危堞踊下身無所損結茅廬山清涼臺巖巖縣空下
臨百仞常月餘不食客至戰慄不敢上居士遙望大
笑而已無名字自言曰我仲尼之徒因號尼徒居士

白茅堂
集

故荆定王樂工周諒其先元樞密使名信初洪武初編
入教坊孫某正統初賜荆憲王至定王時諒以枝冠

教坊嗣王尤愛之國亡爲道士

白茅堂集

諒爲人勇

力善幻以響馬株連繫刑部獄崇禎乙巳應募爲兵
敗歸鄉里麻城土寇白么兒據虎頭關諒擊散王遠

召還

白茅堂詩注

蘄俗近文雅善歌者多習吳中雅調雖布衣之士咸能
以絕技擅名如黃綺雲之善謎馮道衡之善奕雖曰
小技王公大人亦樂與游至今猶述爲里中美譚也
蘄山水秀麗人文故多應之遠不可考近代王公折節
樂與士大夫游往往結爲詩社宗籓中以繪事擅名

卷二十一

撫聞

四三

者如竹侶之草蟲定王之菊竹鑑虛之松梅李御伯
誠之水墨花卉維宗之松書則如震岳仲良龍渭諸
昆季皆得飄然蕭灑之意縉紳之工書者若王之樹
號天目王之鼎字定仲李新字庚伯王可象字孝儀
王縉號意菴而諸生中有袁素亮字公參鍾士良字
伯駿陳之京字觀北王瑄字大玉周至德字文仲張
效鍾字期伯陳宰字屠長盧紳字元薦周宏德字叔
毅袁道長字天伴其楷書行草皆擅絕一時藝林翹
楚

浦心韋蘄州人爲荆藩良醫所精太素脉是時諸生中
名噪人耳者唯予與蕭東曙浦一夕延予至其家曰
勿飲酒夜半吾當爲子候脉既候而嘆曰吾意子少
年科第將有所託今科第雖不可得而心脉起一峯
將來必以文章名世吉祥壽考固不待言矣惟蕭脉
七斷八截恐非令終之客及城破蕭死獨慘然後知

浦術之精

耳提錄

明季州人文頗盛應試常數千人額亦無定并宗學約
五六十名試場於雨湖西岸爲棚或以繩區之諸童

入庠後各持香楮至其處云辭季家背又諸童入庠
歸次日晨早各穿巾服詣藩邸朝王王御殿諸璫如
數捧茶至階下飲之各分賜紙筆謝恩而出

舊志

蕭霽字東曙長予一歲每與予卽席賦詩皆頃刻就贈
予有云欲擬逸才何所似裁雲鑿月作詩篇嘗賦巾
幘行見嘲畧云顧生意氣何揚揚鼻頭吐火眼出光
自言有詩二百章踵門長跪求雌黃豈知小巫神氣
澀幾欲出手還沮藏鍾會隔牆擲四本不敢對面投
嵇康予戲賦龍嶠行答之有云豈知仙經那可假手

執靈文故瀟灑願爲橋上授書人不識爐頭畫灰者
東曙跣足至大叫愴何日我做不得矣未張獻逆屠
斲予家以貞節感賊免害東曙被執詈賊賊鬱之痛
哉後予說向張公亮先生先生曰蕭詩輕露君辭重
渾吉凶所以異也東曙有集十卷編類書名道器括
囊一千六百卷並失又嘗謂予曰一穴不兩蛟我當
殺汝予笑曰君當爲員叙我爲李泌何至相殺耶黃公

詩話

崇禎十年冬寇犯黃州總兵張一龍駐蘄州馭下急僧

皇少示

卷二十一

撫聞

聖

夫刺一龍不中軍譟十四年大饑先是地震釜底皆
有篆文有鄉民四歲兒一夜變爲番僧狀又楓樹生
花如蓮江上雷震一物魚身牛首青山鄉周某家水
竇及滿立涸漩渦作聲城東李姓家地下有聲如牛
至是大旱疫民死十之六七十五年秋瓦雀數萬自
投湖冬鐘鼓自鳴十六年正月城陷賊令男婦折城
人石俱下城與屍齊乃止顧氏家傳

樊山王次子常聚封鎮國將軍崇禎十二年獻逆破襄
陽劫藩府將軍挈家人一夕遁長史追不及失所往

十六年獻逆陷蘄屠之僂荆王屍郡王皆被害劫諸
妃夫人將軍免順治三年歸蘄與英山男子王六姐
起兵斗方砦死之 全上

按斗方砦在蘄水縣

嗣樊山王朱某亂離後漂泊蘄東百里外隱於醫更姓
樊字曰孝山荆府名妓某工畫蘭楚楚有致酒間曼
聲度曲能說開元天寶故事孝山寵之遂娶焉已而
孝山病廢歸蘄結草廬以居今蕪沒矣詩云白頭宮
女嫁王孫陋巷頽垣煙雨昏椀茗爐香會此地琵琶

蘄州志

卷二十一

撫聞

三

一曲客銷魂

居業齋集

蘄州楊嫗某氏少寡鞠一孤年三十不能娶嫗懼蘄夫
祀百計營聘所少僅數金嫗私許富家爲賃春預乞
其直得娶婦時嫗已往役婦入門索其姑不見不肯
成禮夫語之故婦泣曰妾橐中金足相當立趣贖姑
夫夜馳往猝未持金已而來索婦曰金適已付汝矣
夫大詫蓋貧家壁皆編葦鄰人竊聞其語輒詐爲夫
取金去也婦羞見給又無餘金痛姑不得贖遂縊死
質明雷擊盜金者死戶外金故在手而孝婦復甦

施愚

斬南城外三里許關帝祠神像甚有生氣城中人事之甚謹癸未賊後祠為土人所壞神遂露處韓叅戎為建祠於荆邸沉香樓之廢址擬移神卜之不許強移之神初像面淺赤豐頰有拙工為之改削其人立死神前威靈顯著如此乃順治己丑夏事也

康熙七年安平鄉蔡某家鴨卵有十七篆文欸起其西村又一方卵或者煮雞卵破之中復得一卵六月十七日甲申地震雨穀釜底皆篆文不可識亦有作花卉

撫聞

狀 白茅堂集

州西永福鄉寒婆嶺寒婆墓在焉嶺以是得名不詳為何代人墓前有道往來行人每採薪一束置於墓側積多則焚之以示却寒之意歷來相傳至今未改有詩云嶺頭荒草沒孤墳每遇寒天怕夕曛此後且教休怯冷道旁薪火足供君

西園雜記

道光癸未三月北關外清江門

俗呼大漢口

外洲灘水內出

火 志畧

按黃公說字晉穆帝升平四年涼州澤中火起此水

然也然者陰之極也凡大水中皆有火小水則無今
小水中出火殆雨雪綿連過久陰極陽生然問之高
年人從未之見

西園詩注

咸豐二年州崇居鄉張氏家雄雞生卵有六枚又有黑
豕忽變爲白豕又有豕三尾

新稿

按紀曉嵐姑妄聽之載新齊諧所記雄雞卵一事非
怪異也陽氣團結積久而成其形長不能圓以之治
目疾甚效每枚可值十餘金人多以蛇卵混取之日
中照之內有紅光則真又有可以人力爲之者將雄

撫聞

雞置之籠中使羣雌旋繞不能相打則陽氣團結
成卵然與豕變事皆罕見也故錄以附撫聞

